

7-mart
2024-yil 10 (1060)



O'ZLIDEP



IJTIMOIIY-SIYOSIIY
GAZETA

XXI asr

GAZETA 2004-YIL 1-YANVARDAN CHOP ETILA BOSHLAGAN

© 21asr.uz © XXI_asr@mail.ru @XXIasr_yangiliklari XXIasrgazetasi asr_xabarlari_news

АЗМУ ШИЖОАТ ВА АҲИЛЛИК ҲОСИЛАСИ



8 март – Халқаро хотин-қизлар куни муборак бўлсин!



2

ЎРГАНИШЛАР ОРТИДА ҲАР ДОИМ НАТИЖА ТУРАДИ

Бугун давр ўзгарди, одамлар ҳам ўз ҳақ-ҳуқуқини тўғри англаб етмоқда ва асосийси, барча давлат идоралари тўғри жамоатчилик ҳузурига бормоқда. Шу маънода Олий Мажлис Қонунчилик палатаси депутатларидан иборат ишчи гуруҳ аъзоларининг Бухоро вилоятида кечган ўрганиш жараёнлари анча самарали бўлди.



8

КИТОБСЕВАР ҚУВОНДИҚ ҲАММАНИ ҚУВОНТИРМОҚДА

– Отам Шарифбой Абдуллаев бутун умрини китоб савдосига бағишлаган, – деб гурунг беради Қувондиқ, – Ҳозир пенсияда бўлсалар-да, ҳамиша бош маслаҳатчимиз, эзгу ишларга руҳлантираётган устозимиз. Раҳматли онам Ражаббиди бутун умр кутубхоначилик касбини улўглаб ўтдилар. Биз фарзандларга ота-онамиздан мерос хислат – китобга муҳаббат.



“SIBERIAN WELLNESS”:

SIBERIAN WELLNESS

ЯШИЛ ДУНЁ ВА ФАРОВОНЛИК САРИ КАТТА ҚАДАМ

ЭКОЛОГИЯ БИЛАН БОҒЛИҚ МУАММОЛАР БУТУН ДУНЁДА ГЛОБАЛ ТУС ОЛМОҚДА. ЗЕРО, У ЧЕГАРА БИЛМАЙДИ, МАМЛАКАТЛАРАРО ТРАНСЧЕГАРАВИЙ МУАММОЛАРНИ КЕЛТИРИБ ЧИҚАРАДИ ВА ЎЗ-ЎЗИДАН ИЖТИМОЙ-ИҚТИСОДИЙ МУНОСАБАТЛАРГА, ТАРАҚҚИЁТГА ҲАМ САЛБИЙ ТАЪСИР КЎРСАТАДИ.

ШУ БОИС ЮРТИМИЗДА МАЗКУР МУАММОЛАРНИ ЮМШАТИШ, АЙНИҚСА ОРОЛБЎЙИ МИНТАҚАСИДА ЭКОЛОГИК ВАЗИЯТНИ ТУБДАН ЯХШИЛАШГА ҚАРАТИЛГАН КЕНГ ҚАМРОВЛИ ИСЛОҲОТЛАР АМАЛГА ОШИРИЛМОҚДА. ПРЕЗИДЕНТИМИЗ ТАШАББУСИ БИЛАН “ЯШИЛ МАКОН” УМУММИЛЛИЙ ЛОЙИХАСИГА СТАРТ БЕРИЛГАНИ, 2030 ЙИЛГАЧА БЎЛГАН ДАВРДА ЎЗБЕКИСТОН РЕСПУБЛИКАСИНИНГ АТРОФ-МУҲИТНИ МУҲОФАЗА ҚИЛИШ КОНЦЕПЦИЯСИ ТАСДИҚЛАНГАНИНИ АЛОҲИДА ЭЪТИРОФ ЭТИШ ЗАРУР.



Шунингдек, давлатимиз раҳбарининг 2020 йил 12 февралдаги “Ўзбекистон Республикаси Президенти ҳузуридаги Оролбўйи халқаро инновация марказининг фаолияти самарадорлигини оширишга доир кўшимча чора-тадбирлар тўғрисида”ги қарори ижросини таъминлаш, Орол денгизи қуриши оқибатларини бартараф этиш, сайёҳлар сонини кўпайтириш мақсадида “Оролдаги боғим” (“My garden in the Aral Sea”) агро-эко-туризм йўналишидаги лойиҳаси ишлаб чиқилди. Халқаро инновация маркази ва Ўзбекистон Республикаси Инновацион ривожланиш вазирлиги ташаббуси билан ишлаб чиқилган лойиҳанинг асосий мақсади маҳаллий ва халқаро ҳамжамиятни Орол муаммосига бефарқ бўлмасликка, унинг оқибатларини бартараф этиш, яъни Оролбўйини кўкаламзорлаштириш ишларига ўз улушини қўшишга чорлаш ҳисобланади.

Қувонарлиси, мазкур хайрли ишларга юртимиздаги давлат ва нодавлат ташкилотлари, жамоатчилик вакиллари баробарида халқаро компаниялар ҳам ўз ҳиссасини қўшмоқда.

МЎЙНОҚ БАҒРИДА 5 000 ТА САКСОВУЛ

Худди шундай! 2024 йилнинг 24 февраль кунини Қорақалпоғистон Республикасининг Мўйноқ туманида 5 000 та саксовул кўчати ўтказилди. Бу хайрли иш кўплаб ижтимоий лойиҳаларни амалга ошириб келаётган, гўзаллик ва соғлиқни мустаҳкамлаш учун табиий маҳсулотлари билан бутун дунёга машҳур бўлган “Siberian Wellness” халқаро компанияси томонидан амалга оширилди. Маълумот ўрнида айтиш жоизки, мазкур компания Оролдаги боғим лойиҳаси доирасида куз мавсумида ҳам 4 000 саксовул кўчатларини эккан эди.



Олеся КОЛОСКОВА,
“Siberian Wellness” халқаро компанияси
худудий вакили:

– Биз “Wellness-экология” дастури доирасида Президент Шавкат Мирзиёев ташаббуси билан 2021 йилда экологик муҳитни яхшилаш ва “Яшил макон” умуммиллий дастурини амалга оширишга ўз ҳиссамизни қўшишга ҳаракат қилмоқдамиз. Орол денгизи қуриши оқибатларини бартараф этиш ҳамда сайёҳлар сонини кўпайтиришга қаратилган “Оролдаги боғим” лойиҳаси Ўзбекистон Республикаси Президенти ҳузуридаги Оролбўйи халқаро инновация маркази ҳамда Инновацион ривожланиш вазирлиги томонидан амалга оширилаётган лойиҳа ҳисобланади. Унда асосан Орол атрофида кўп йиллик буталар, ўсимликлар, жумладан, саксовуллар экиш режалаштирилган.

Бугунги 5 минг туп саксовул кўчати экиш тадбиримизга компаниямизнинг 70 дан ортиқ ходимлари

ва ҳамкорлари, Тошкент шаҳридан 20 нафар кўн-гиллилар, Нукус шаҳридаги Президент мактабининг 40 дан ортиқ ўқувчилари ҳамда оммавий ахборот воситалари иштирок этишди. Об-ҳаво шароити 12 даража совуқ бўлишига қарамай, биз бунга эришдик!



Шухрат ТОШПҮЛАТОВ,
“Siberian Wellness” халқаро компанияси
худудий директори:

– Орол денгизи муаммоси фақатгина Марказий Осиё минтақасида эмас, балки бутун дунё муаммосидир. У иқлим ўзгариши, қурғоқчилик, ҳайвон ва ўсимликларнинг йўқ бўлиб кетиши, ифлосланиш ва кўм-тузли бўронларнинг кўпайиши каби йирик муаммоларни юзага келтирди. Денгиз тубининг 5,5 млн гектардан ортиқ майдони чўлга айланди.

Ўйлашингиз мумкин, нега айнан бу дарахт танланди? Эътибор беринг, қуриган денгиз ҳудудида барпо этилган 2 йиллик саксовулзор шамол тезлигини 20 фоизга, 5 йиллик саксовулзор 80 фоизга ва 7 йиллик саксовулзор 100 фоизгача йўқотиб, кўм кўчишини тўхтатади. Унинг илдизи бақувват, бир тупи 10 тоннагача кўмни мустаҳкамлайди, кўчкларга йўл бермайди. Илдизи тупроққа чуқур кириб бориб, горизонтал йўналишда саккиз метргача етишидан маълумки, кўмларни мустаҳкамлашда у катта аҳамиятга эга. 1 гектар майдондаги 4 йиллик саксовулзор 1 158 килограмм карбонат ангидриднинг ютиб, 835 килограмм кислород ажратади. Айнан шу сабабли Орол денгизи тубини кўкаламзорлаштириш учун ушбу дарахт тури асосий танловлардан бири ҳисобланади.

Бизнинг асосий мақсадимиз тадбиркорларимиз ва мижозларимизни экологик муаммолар ва иқлим ўзгаришини ҳал қилишда масъулиятли ва фаол ёндашишга ундашдир. Биз эса, аввало, ҳаётимиз, фарзандларимиз ва набираларимизга бу борада ўз ҳиссамизни қўшаётганимизни англашимиз зарур.

ЭКОСИЁСАТДА ФАОЛ

“Siberian Wellness” компанияси 2020 йилда Бирлашган Миллатлар Ташкилотининг барқарор ривожланиш бўйича глобал йўриқномасига қўшилган бўлиб, улардан саккизтаси компания экосиёсатининг асосини ташкил этади. Компания томонидан биринчи экологик лойиҳа 2020 йилнинг кузида Новосибирск вилоятининг Коливанск туманидаги Сибирда амалга оширилган. Ушундан 5 гектар майдонда садр дарахти экилган.

2021 йилда эса “Атрофингиздаги дунё” (“Мир вокруг тебя”) фонди бутун дунё бўйлаб кўкаламзорлаштириш тадбирларини ташкил этиш жараёнини ишлаб чиқди. Бу лойиҳа “Siberian Wellness” компаниясининг 25 йиллигига бағишлангани боис “25 гектар” деб номланди. Шундан кейин компания томонидан ҳар йили 100 гектар майдонни ободонлаштиришга қарор қилинди. Шу пайтга қадар лойиҳа доирасида 15 мамлакатда 8 минг нафар кўн-гиллилар томонидан миллиондан ортиқ дарахт экилди.

ХАЛҚАРО БОЗОРДА ХАЛҚАРО СЕРТИФИКАТЛАР БИЛАН

Кези келганида айтиш жоизки, “Siberian Wellness” хавфсизлик ва сифат стандартларига риоя қилиши билан халқаро бозордаги позицияларини мустаҳкамлашни давом эттирмоқда. Хусусан, компания бир неча муҳим стандартлар Halal, ISO 14001, GLOBAL G.A.P, FSSC 22000 бўйича сертификатлардан муваффақиятли ўтган. Ушбу ёрликлар Ўзбекистонда ишлаб чиқарилаётган маҳсулотлар хавфсизлиги ва юқори сифатининг тасдиғи ҳисобланади. 14 йилдан бери Ўзбекистон бозорида ўз ўрнига эга ушбу компания сифатли маҳсулотлар ишлаб чиқариш баробарида маҳаллий аҳоли бандлигини таъминлаб, минтақа иқтисодий ривожига ҳам туртки бўлмоқда. Ҳозиргача 300 дан ортиқ кишини иш билан таъминлашга муваффақ бўлди. Уларнинг 70 фоизи аёллардир. Тадбиркорлик билан шуғулланаётган хотин-қизлар учун психолог, маркетинг ва турли мутахассислар иштирокида тренинг ва машғулотлар ўтказмоқда. Халқаро стандартлар талабларига жавоб берадиган, кенг турдаги, юқори сифатли саломатлик ва гўзаллик маҳсулотлари эса аллақачон бозорни эгаллаб улгурди.

Нурхон ЭЛМИРЗАЕВА,
“XXI ast” мухбири

Тошкент-Мўйноқ-Тошкент

Реклама ҳуқуқи асосида тайёрланди.





ДЕПУТАТ – УСТОЗ, ПРОФЕССОР ВА...

/// O'zLiDeP фидойиллари

Майманоқликлар бирор муаммо пайдо бўлиб қолса, ҳеч иккиланмасдан, Бобоназар муаллим хузурига йўл олишади. Чунки у қишлоқ аҳолисининг ҳар қандай муурожаати бўлса қараб ўтирмайди, одамларнинг турмуш шароитини яхшилаш бўладими ёки бандликни таъминлаш билан боғлиқ ишларми, барибир беминнат шуғулланади. Ишонсангиз, бутун ҳудудни пиёда кезиб чиққан.

Масалан, биргина Майманоқда уч мингга яқин оила бўлиб, 30 мингдан ортиқ аҳоли истиқомат қилади. Кўп уринишлардан сўнг 890 нафар аҳоли яшайдиган Янги Майманоқ қишлоғи аҳли учун янги трансформатор ўрнатиб берилди. Маҳалланинг тўрт қақиримлик ички йўлларига шағал ётқизиблиб, равланштирилди ва сифатли асфальт қилинди. “Яшил макон” умумий лойиҳаси доирасида 30 га яқин кам таъминланган ва ночор оилаларнинг томорқа ишларига кўмаклашиб, мевали ва манзарали дарахт кўчатлари бепул тарқатилди.

– Ҳеч тиниб-тинчиганини кўрмаймиз, доим қандайдир юмуш билан юрган бўлади. О'зЛиDeP депутатлик гуруҳи раҳбари, Халқ депутатлари тумани кенгаши хузуридаги “Саноат, транспорт, қурилиш, коммунал хўжалиги масалалари ва аҳолига хизмат кўрсатиш бўйича доимий комиссияси” ҳамда “Халқпарвар” комиссияси раиси сифатида, энг аввало, оилавий тадбиркорликни ривожлантириш орқали хотин-қизлар ва ёшларни иш билан таъминлашга ҳисса қўшиб келаяпти. Масалан, ногирон, етим, кам таъминланган оилаларни бошпана билан таъминлаш, уларнинг рўзгорини, яшаш аҳволини сўраш каби хайрли ишларда ҳамisha бошқош.

Яқинда депутат туман ёшлари билан учрашиб, партиянинг дастурий мақсад ва вазифалари, депутатлик гуруҳининг амалий ишлари, ноиблик мақоми, айниқса навқирон авлод вакилларининг ҳар жабҳада фаоллигини, сийсий билимларини ошириш бўйича янги лойиҳалар ҳақида батафсил маълумот берди. Шунингдек, қонунчиликдаги сўнгги янгиликлар, “Ўзбекистон – 2030” стратегияси ижросини таъминлаш, иқтидорли ёшларни қўллаб-қувватлаш, қатор йўналишларда уларнинг маҳаллий ишлаб чиқаришни ривожлантириш борасидаги инновацион ташаббусларини кенг тарғиб этиш орқали янги иш ўринлари яратиш, Касби кулчилик мактабини қайта тиклаш борасида қимматли фикрлар билдирилди.

– Ёшлар бандлигини таъминлашда, уларнинг ҳаётда ўз ўринларини топишда кичик бизнес ҳамда тадбиркорлик соҳасининг ривожланиши асосий омил бўлиб хизмат қилмоқда, – дейди Халқ депутатлари Касби туман кенгаши депутати Бобоназар Сатторов. – Жорий йил Президентимиз томонидан “Ёшлар ва бизнесни қўллаб-қувватлаш йили” деб номланди. Бугунги кунда юртимизда ёшларнинг илм-фан, юқори технологияларни мукамал эгаллашлари учун барча имкониятлар яратилган. Ёшларнинг интилишларини қўллаб-қувватлаш ва рағбатлантириш, уларни тадбиркорлик соҳасига янада кенгроқ жалб этиш, банклардан кредит олишларида амалий ёрдам берамиз.

Бобоназар Сатторов 500 нафар ўқувчи тахсил олаётган 1-сон касб-хунара мак-



таби директори сифатида ҳам бошқаларга намуна. Устознинг ташаббуси билан “очик бюджет” лойиҳаси доирасида мактабга 30 кВт лик қуёш фотоэлектрик станцияси, ўқув хоналарга 15 дона интерактив сенсорли панеллар, 2 комплект компьютер синфи, 10 дона 55 дюмели телевизорлар ва 40 дона кузатув камералар янгидан ўрнатилди.

Таълим муассасасида икки гектар майдонда иссиқхона, балиқчилик, асаларичилик, боғдорчилик, ва биоумум етиштириш кенг йўлга қўйилган. Амалий машғулотлар ўтказилаётган ушбу кичик хўжаликларда етиштирилган маҳсулотлардан топишган маблағлар ҳисобидан аълочи ва жамоат ишларида фаол иштирок этаётган ўқувчилар мунтазам равишда рағбатлантириб борилади.

Яна бир эътиборли жиҳати, Бобоназар Сатторов “Барабани куригичда пахта куритишда комбинацияштирилган ёқилғи-қуёш иссиқлик манбаини ишлаб чиқиш ва тадқиқ қилиш” мавзусида “Саноат иссиқлик энергетикаси” иختисослиги бўйича диссертациясини ҳимоя қилган ва техника фанлари номзоди илмий даражасини олган. 2012 йилда доцентлик, яқинда “Саноат иссиқлик энергетикаси” иختисослиги бўйича профессор илмий унвонига сазовор бўлди. Ибратли оиланинг фарзандларига ҳам ҳавас қилса арзийди: бир ўғли Азамат Нуфтиллаев ММА жанг санъати бўйича беш карра жаҳон чемпиони.

Хуллас, устоз-депутат-доцент-профессор бизнинг маслакдошимиз.

Сайфулла ИКРОМОВ,
“XXI asr” мухбири



ЎЗБЕКИСТОН ФЕРМЕР, ДЕҲҚОН ХЎЖАЛИКЛАРИ ВА ТОМОРҚА ЕР ЭГАЛАРИ КЕНГАШИ ЖАМОАСИ

*юртимизнинг барча муҳтарам оналари, дилбар аёллари, мунис опа-сингилларимизни
8 МАРТ – ХАЛҚАРО ХОТИН-ҚИЗЛАР КУНИ
билан самимий муборакбод этади!*

*Энг гўзал фасл баҳорнинг илк нафосат байрами сизларга муборак бўлсин.
Аёл борки, олам мунаввар дейилган доно таъриф ҳам сизнинг шаънингизга
бежиз айтилмаган. Тилагимиз – дунёдаги энг бебаҳо бойлик бўлган
оилавий бахт-саодат, тинчлик-хотиржамлик, фарзандлар ва
неваралар камолини кўриб юриш ҳаммангизга насиб этсин.
Уртингиз узоқ, ҳаётингиз фаровон бўлсин!*





ТАБРИК

Самарқанд вилояти Ургут туманида фаолият кўрсатаётган “URGUT SAVDO KOMPLEKSI” масъулияти чекланган жамияти жамоаси

*юртимиздаги гўзал ва оқила опа-сингилларимизни
8 март – Халқаро хотин-қизлар куни
билан табриқлайди.*

*Хонадонларига тинчлик, тўқинлик, бахт ва
фаровонлик тилайди.*

